

Vun driveriver

erscheint auf www.lenauheim.de

monatliche
Erscheinung

Mai 2024

von Helen Alba

**Hat der schun vun dem Orzidorfer Schwob was gheert.....?
....der vor Johre als Kirich Steffi im Banat bekannt war!**

Do muss ich jetz allererscht erkläre, vun wem die Red is. Vun keem anre, wie vun Rainer Kierer aus Orzidorf, der eich liewi Leser sicher schun mit seine scheene Gedichter, die in der Pipatsch abgedruckt ware, ins Au gstoch is. Mir kenne uns schun lang, doch zu de Mitarweiter der ADZ/BZ/Pipatsch zählt Rainer erscht seit phaar Johr. Villes aus seiner Tätichkeit sowohl im Banat als ach in Deutschland han ich erfahr, doch längscht nit alles. Drum will ich heit de Kirich Steffi/Rainer Kierer vorstelle:

Rainer Stefan Kierer (Pseudonym: „Kirich Steffi“) is am 2. Juli 1953 in Orzidorf uf die Welt kumm. Nohdem er die Allgemeenschul im Heimatdorf bsucht hat, absolvierte er e Fachschul in Bukarest un hat als Schriftsetzer im Polygraphischen Unternehmen „Banat“ in Temeschwar sei erschti Arweitsstell angetret. 1981 hat Rainer Erna Nemeth aus Paratz gheirat, mitnaner han se zwaa Kinner: Armin un Astrid. Noh 22jähriger Tätichkeit in der Temeschwarer Druckerei is Rainer mit seiner Familie uf Deutschland ausgewannert, hat im Saarland, in Homburg, eine neiji Heimat gfunn un dorte in der Metallindustrie gearweit.

De Kirich Steffi hat als Verzehnjährlicher sei erschti Gedichter gschrieb. Er war langjähriger Mitarweiter vun der „Neuen Banater Zeitung“, hat Berichte un Gedichter gschrieb, Kreuzworträtsel entworfen, hat fotografiert – ach uner em Pseudonym Kirich Steffi. Bei der Gestaltung der „Kuhlenner“-Reihe war er beteiligt, weil er die oft graphisch gestalt hat. Er hat ach es neiji Orzidorfer „Wappen“ entworfen, des seit 2006 als „Cocosul“ die Webseite der Heimatortsgemeinschaft Orzidorf ziert.

1978 is Rainer Kierer em Temeschwarer Literaturkreis „Adam Müller-Guttenbrunn“ beigetreten. Franz Liebhard hat ihn selmols ufgemuntert, Gedichter zu schreiwe. Solchi im schwowische Dialekt sin dann in der NBZ-„Pipatsch“, in „Fechung“ – eener Anthologie banatschwäbischer Gedichte, 1979 vun Ludwig Schwarz herausgin, erschienen. Die erschti Schallplattn mit schwowische Gedichter „Mir sin Banater Schwowe“, rausgebrung um 1980 vun Schallplattnhaus „electrecord“ beinhalt es Gedicht „Summernacht“ vun Rainer.

In Deutschland war er im September 1999 zum dritte Treffe der Banater Mundartautore in Reutlingen ingelad. Er war ach Mitautor vun Orzidorfer Friedhofs- un Familienbuch, hat Regie gfiehrt un mitgewirkt in Adam Müller-Guttenbrunns Theaterstick „Der Herr Gevatter“ des was vun der Homburger Kulturgruppe eifers in Deutschland un zwaamol im Banat (Arad un Temeschwar) ufgfiehrt gin is.

Drei Gedichter vun Rainer sin vun Meinhardt Slavik un Walter Klepper vertont gin. Er betäticht sich ach als Ahnenforscher.

Wie in der Pipatsch vun 24. April 2024 zu lese war, hat vor korzem die Landsmannschaft der Banater Schwaben e CD präsentiert mit Gedichter vun Rainer Kierer, die vun seim Landsmann Wilfried Michl vertont un gsung gin.